

SB 1383 yog dab tsi?

Senate Bill (SB) 1383 yog ib lub xeev California txoj kev siv zog los txo cov pa phem paug rau huab cua ncuaj sij hawm luv luv (SLCP). Thaum cov khoom siv ua chiv tau, xws li cov zaub mov seem, raug xa mus rau qhov chaw pov tseg, lawv tsim cov pa roj carbon monoxide xws li methane, cov pa phem tshaj 80 npaug ntau dua li cov pa roj carbon dioxide. Kev tso pa methane tawm muaj feem kwv yees li 20 feem pua ua rau lub ntiaj teb sov nyob rau tam sim no ua rau muaj kev hloov pauv huab cua, thiab kwv yees li 20 feem pua ntawm kev tso pa methane tawm nyob hauv California yog los ntawm [cov chaw pov khib nyiab](#). Tshwj xeeb, txoj cai tau teev cov hom phiaj thoob plaws lub xeev li hauv qab no:

- Txo cov pov tseg cov khib nyiab khoom noj los ntawm 75% ua ntej Lub Ib Hlis tim 1, 2025 (raws li qib xyoo 2014)
- Muab cov khoom noj uas tib neeg noj tau rov qab los siv kom tau yam tsawg kawg nkaus ntawm 20% cov khoom noj khoom haus tsis li ces yuav raug muab pov tseg hauv xyoo 2025.

CalRecycle yog lub xeev lub koom haum ua lub luag haujlwm los tsim cov qauv kev cai rau SB 1383. Cov kev cai no tau pib siv txij lub Ib Hlis tim 1, 2022, thiab tau pib siv txij lub Ib Hlis tim 1, 2024, tej zaum cov chaw txiav txim yuav tau txiav txim cov kev rau txim rau cov koom haum uas tsis ua raws cai raws li lawv txoj cai.

Leej twg Raug Cuam Tshuam los ntawm SB 1383?

Txhua tus pej xeev nyob hauv, cov kev lag luam, thiab cov vaj tsev uas muaj ntau tsev neeg nyob yog raug cuam tshuam. Tej zaum qee lub lag luam thiab/lossis lub vaj tsev uas ntau tsev neeg nyob yuav tsim nyog tau txais kev zam los ntawm qee yam ntawm SB 1383.

Cov Kev Xav Tau Rau Cov Neeg Nyob Hauv: Cov neeg nyob hauv yuav tsum tau koom nrog hauv cov kev pab cuam khaws cov khib nyiab khoom noj haus raws ntug kev thiab rov muab coj los siv dua (chiv zaub mov/thoob khib nyiab ntsuab). Qhov no suav nrog kev rov muab los siv dua tshiab ntawm cov khoom seem pov tseg hauv tsev. Kev rob qab muab coj los siv dua tshiab cov khib nyiab ntawm ntug kev yog qhov tseem ceeb rau peb lub nroog txoj kev vam meej hauv kev ua tiav cov hom phiaj ntawm kev hloov cov khoom noj khib nyiab, thiab yog ib qho yooj yim tshaj plaws uas cov neeg nyob hauv tuaj yeem ua kom txo kev tso tawm cov pa ua rau huab cua sov. Cov neeg nyob hauv ib lub tsev kheej rau ib yim neeg hauv lub nroog Clovis yuav tsum sau npe rau cov kev pab cuam thoob khib nyiab, rov muab los siv dua tshiab, thiab cov kev pabcuam khaws cov khib nyiab khoom noj uas muab pov tseg. Yog tias koj tsis muaj kev pab cuam lub thoob khib nyiab ntsuab, thov hu rau koj qhov chaw [thauj khib nyiab](#) los teeb tsa koj qhov kev pabcuam. Txhua yam khib nyiab khoom noj pov tseg yuav tsum muab tso rau hauv koj lub thoob khib nyiab ntsuab. Qhov no suav nrog:

- Khoom noj khoom haus seem: txiv hmab txiv ntoo, zaub, qhob cij, fawm, nqaij, nqaij qaib, thiab mis nyuj khov.
- Cov quav kas fes
- Tej pob txha tsiaj
- Tej ntawv uas lo khoom noj (xws li cov ntaub so ntswg, cov ntaub so qhov ncauj thiab thawv rau pizza)

- Kev txiav tej nroj ntawm tog vaj tog tsev
- Thiab ntau yam ntxiv

Thov tsis txhob siv cov hnab yas hauv lub thawv rau cov khoom noj hauv pov tseg, suav nrog cov hnab uas siv ua chiv tau. Lawv lwj qeeb dua li cov khoom noj pov tseg thiab tuaj yeem cuam tshuam rau cov cuab yeej kev ua chiv hauv zos. Xav paub tias koj cov khib nyiab khoom noj yuav mus xaus qhov twg lod? Nyem [ntawm no](#).

Cov Lus Qhia Tshaj Lij Txog Kev Txo Nqis Cov Khib Nyiab Qub Zaub Mov Hauv Tsev Yam Uas Lag Luam Yuav Tsum Tau Ua: Cov lag luam (nrog rau cov vaj tsev uas muaj ntau tsev neeg nyob hauv) yuav tsum tau hloov kev muab cov khoom noj hauv pov tseg rau qhov chaw pov tseg los ntawm kev koom nrog cov kev pab cuam rov muab cov khib nyiab khoom noj rov qab los siv dua tshiab. Qhov no suav nrog:

- Sau npe thiab koom nrog peb lub thawv ntim khib nyiab peb qho (thoob khib nyiab, rov muab los siv dua tshiab, khib nyiab khoom noj) los ntawm koj [lub chaw thauj khib nyiab](#) los yog los ntawm qhov kev pab thauj khoom rov qab uas raug pom zoo los yog tus kheej thauj cov khoom mus rau CalRecycle cov chaw muaj ntawv pov thawj.
- Muab cov thawv ntim rau sau cov khoom noj hauv pov tseg thiab muab rov qab los siv dua tshiab rau cov neeg ua haujlwm, cov neeg cog lus ua haujlwm, cov neeg xauj tsev thiab cov neeg siv khoom. Cov thoob ntim khib nyiab yuav tsum raug npaj cia kom muaj txaus, qhov loj me, thiab muaj qhov chaw rau cov thoob ntim khib nyiab, nrog cov ntawv sau lo qhia kom raug rau cov neeg siv khoom mus siv tau.
- Muab cov thoob ntim khib nyiab uas lo ntawv qhia kom raug tso rau sab hauv tsev rau ntim cov khib nyiab khoom noj thiab cov khoom uas rov muab los siv dua tshiab tso rau hauv txhua qhov chaw uas muaj cov thoo khib nyiab rau cov neeg siv khoom, tshwj tsis yog cov chav dej.
- Txwv tsis pub cov neeg ua haujlwm pov cov khib nyiab khoom noj rau hauv lub thoob uas tsis raug xaiv rau pov cov khib nyiab khoom noj, thiab tshawb xyuas cov thoob ntim cov khib nyiab seb puas muaj lwm yam khoom paug rau.
- Muab cov lus qhia rau cov neeg ua haujlwm, cov neeg cog lus, cov neeg xauj tsev, thiab cov neeg siv khoom txhua xyoo txog cov kev xav tau ntawm kev muab rov qab cov khib nyiab khoom noj thiab [kev faib cais khib nyiab kom raug](#).

Yam YuavTsum Muaj rau Edible Food Generators thiab Edible Food Collectors

Cov lag luam uas yog Commercial Edible Food Generators (CEFGs) yuav tsum pub tag nrho cov khoom noj uas tsis tau noj los yog muag tsis tawm uas yuav muab pov tseg mus rau lub koom haum rov qab kho dua tshiab cov khoom noj. Mus kawm paub ntxiv seb koj lub lag luam puas yog CEFG, thiab kawm paub ntxiv seb qhov yuav tsum tau ua yog dab tsi, [nias ntawm no](#). Nrhiav ib qho chaw pub dawb koj cov zaub mov noj, thov saib **Edible Food Recovery Resources**, hauv qab no.

Cov Lus Qhia Tshaj Lij Txog Kev Xav Tau Rau Kev Pub Dawb Cov Zaub Mov Uas Noj Tau

- **Txhawb qhov ua tau zoo hauv kev npaj cov zaub mov:** Tsim cov npe zaub mov uas siv ntau cov khoom xyaw kom txo cov khoom seem pov tseg.

- **Saib xyuas cov khoom khaws cia:** Taug qab xyuas kev siv cov khoom xyaw tsis tu ncuu kom khwv yees tau qhov xav tau thiab txo qis kev xaj yuav ntau dhau kom tau zoo dua qub.
- **Siv cov khoom seem yam muaj tswv yim:** Tsim cov puas noj tshwj xeeb lossis cov puas noj rau cov neeg ua haujlwm noj txhua hnuv uas siv cov khoom xyaw seem kom txo qis cov khoom uas yuav tsis raug siv.
- **Siv tev naus laus zis:** Siv cov apps lossis software los taug qab cov khoom khaws cia thiab khwv yees qhov xav tau kom raug dua qub.